



Llywodraeth Cymru
Welsh Government

DATGANIAD YSGRIFENEDIG GAN LYWODRAETH CYMRU

TEITL Rheoliadau Gwrteithiau a Deunydd Amoniwm Nitrad (Diwygio)
(Ymadael â'r UE) 2018

DYDDIAD 2 Tachwedd 2018

GAN Julie James AC, Arweinydd y Tŷ a'r Prif Chwip

Rheoliadau Gwrteithiau a Deunydd Amoniwm Nitrad (Diwygio) (Ymadael â'r UE) 2018

Mae Rheoliadau 2018 yn diwygio'r canlynol:

Deddfwriaeth yr UE:

- Rheoliad (EC) Rhif 2003/2003 Senedd Ewrop a'r Cyngor mewn perthynas â gwrteithiau; a
- Cytundeb Ardal Economaidd Ewropeaidd

Deddfwriaeth Ddomestig

- Rheoliadau Gwrteithiau 1991 (O.S. 1991/2197) (ar gyfer Prydain Fawr);
- Rheoliadau Diogelwch Deunydd Amoniwm Nitrad (Cynnwys Nitrogen Uchel) 2003 (O.S. 2003/1082);
- Rheoliadau Gwrteithiau'r Gymuned Ewropeaidd (Cymru a Lloegr) 2006 (O.S. 2006/2486).

Unrhyw effaith y gall yr OS ei chael ar gymhwysedd deddfwriaethol y Cynulliad a/neu gymhwysedd gweithredol Gweinidogion Cymru

Mae gwrteithiau'n fater datganoledig. Mae amoniwm nitrad wedi'i gadw yn ôl gan Lywodraeth y DU, fodd bynnag, mewn perthynas â Chymru i'r graddau y mae'n gysylltiedig ag iechyd a diogelwch o dan Ddeddf Llywodraeth Cymru 2006 (Atodlen 7A).

Mae'r Offeryn Statudol yma'n cynnwys swyddogaethau trosglwyddo yn Rheoliad yr UE i Weinidogion Cymru mewn perthynas â Chymru o fewn meysydd o gymhwysedd datganoledig.

Diben y diwygiadau

Mae'r OS hwn, sy'n dilyn y weithdrefn negyddol, yn mynd i'r afael â methiannau cyfraith yr UE sydd wedi'i dargadw i weithredu'n effeithiol a hefyd â diffygion eraill sy'n deillio o'r ffaith

bod y DU yn ymadael â'r UE. Maent hefyd yn diwygio'n rhannol gyfeiriadau sydd wedi dyddio mewn deddfwriaeth ddomestig, sy'n angenrheidiol er mwyn sicrhau eglurder i ddefnyddwyr y ddeddfwriaeth.

Ni fyddai cyfraith berthnasol yr UE yn gweithredu'n briodol ar ôl i'r DU ymadael â'r UE heb iddi gael ei diwygio. Byddai hyn yn amharu ar waith masnachu gwrteithiau a awdurdodir ar hyn o bryd o dan gyfraith yr UE. Mae'n rhaid i'r newidiadau gael eu gwneud er mwyn cynnal safonau gwrteithiau o fewn cyfraith y DU a hefyd er mwyn sicrhau parhad i'r sector a diogelu'r cyflenwad ar gyfer ffermwyr. Diben y diwygiadau hyn yw sicrhau bod y llyfr statud yn parhau i weithio ar ôl i'r DU ymadael â'r UE.

Bydd yr offeryn hwn yn disodli'r drefn 'gwrteithiau'r GE' o fewn cyfraith yr UE, gan gyflwyno trefn ddomestig newydd. Canlyniad hyn fydd label 'gwrtaith y DU' a fydd yn gweithio yn yr un modd. Bydd hefyd yn caniatáu ar gyfer cyfnod trosiannol o ddwy flynedd lle y bydd modd gwerthu 'gwrteithiau'r GE' o fewn y DU heb y gofyn i'w hail-labelu. Bydd hyn yn sicrhau parhad y cyflenwad ac yn lleihau'r baich ar fusnesau.

Ni fydd unrhyw newid sylweddol i ddefnyddwyr gwrteithiau. Bydd y dull hwn yn ei gwneud hi'n bosibl i'r holl wrteithiau sy'n cael eu marchnata yn y DU gael eu mewnfurio a'u marchnata yn y DU ar ôl ymadael â'r UE. Mae'r dull hwn hefyd yn sicrhau y bydd yr un safonau uchel iawn yn parhau'n berthnasol i wrteithiau.

Mae'r OS a'r Memorandwm Esboniadol sy'n mynd gydag ef, ac sy'n nodi effaith pob un o'r diwygiadau, ar gael yma:

<https://www.gov.uk/eu-withdrawal-act-2018-statutory-instruments>

Pam y rhoddwyd cydsyniad

O dan yr amgylchiadau eithriadol hyn pan fo gofyn inni ystyried a chywiro nifer digyffelyb o ddarnau deddfwriaeth o fewn amserlen dynn gan ddefnyddio adnoddau cyfyngedig, egwyddor gyffredinol Llywodraeth Cymru yw ein bod yn gofyn i Lywodraeth y DU ddeddfu ar ein rhan ar gyfer nifer mawr o offerynnau statudol. Mae hyn yn sicrhau dull cydlynol lle y bo'n bosibl, er mwyn sicrhau bod y gyfraith yn glir ar draws y DU. Gan nad oes gwahaniaeth rhwng ymagwedd Llywodraeth Cymru a Llywodraeth y DU ar y polisi i'w gywiro, mae'n briodol mai Llywodraeth y DU sy'n gwneud yr OS y tro hwn.

Gallai methu i weithredu'r diwygiadau testunol sydd eu hangen i sicrhau bod Rheoliadau'r UE yn parhau i gael eu gweithredu, yn yr achos hwn Rheoliad yr UE (EC) 2003/2003 fod â goblygiadau posibl o ran masnach. Mae masnach ym maes gwrteithiau'r UE yn hanfodol gan y bernir bod y cyflenwad o amoniwm nitrad yn gyfyngedig a gallai unrhyw darfu ar y cyflenwad olygu prinder sylweddol yn y DU.